

آبونه اولقی ایستیلر دائره عدلیه ده
اداره مخصوصه سنه مراجعت
اتیلدر

اعلاناک بهرندن بر مجیدیه احف
ایندیلور

نسخه سی ۴۰ پاره در

قانون مجازات

سنه لکی در سعادت ایچون مجیدیه
یکرمی غروش حایله الشمس
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

مساعی مدوحه سی جهتله اسکدار بدایت محکمه سی
مدعی عمومیه سی عزتو رأفت بکه ترفیعاً رتبه ثانیه
صنف ثانیه سی توجیه بیورلمشدر.

مدالیه

محکمه تمیز جزا دائره سی اعضاسندن عطفوتلو
امین افندی حضرتلرینه التون امتیاز مدالیه سی
عنایت واحسان بیورلمشدر.

تبدیلیات

انجمن عدلیه دن تنظیم واعطا قلنان مذکره در :
امتیقی سوء استعمال ماده سندن طولانی برسنه
مدت حبس جزاسیله بدایه محکوم اولان شبین
قره حصارلی احمد حقنده کی حکم ابتدائیک وجاهاً
لاحق اولسنه نظراً اوج سنه بی متجاوز مدت مرور
ایلدکن صکره استینافاً تصدیق ایدلمش اولسنک
تنفیذ واجراسنه مانع اوله میه جنی مقدما در سعادت
بدایت محکمه سی مدعی عمومیه سندن وقوعبولان
استفسار اوزرینه ۱۴ تشرین اول سنه ۳۲۰ تاریخی
مذکره ایله بیان اولنشیدی.

بوکره مذکور مدعی عمومیه سندن تنظیم اولنوب
استیناف مدعی عمومیه سندن تقدیم قلنان ۲۷
کانون اول سنه ۳۲۰ تاریخی مذکره ذکر اولنان
حکم ابتدائیک تاریخ تفهیمندن اعتباراً مدت معینه سی
ظرفنده محکوم مرقوم جانندن اعطا قلنان استیناف
استدعای کسب قطعیت ایتسنه مانع اولمش و حکم
مذکور اعلانک تنظیمله ایشک محکمه استینافه
تودیعنه قدر اوج سنه بی متجاوز مدت کذار ایش
اولدیفندن بختله تکرار اجرای تدقیقاته لزوم
کوسترلمشدر.

اصول محاکات جزایه قانوننک درت یوز
سکسانجی ماده سنده بوکی جنحه موادندن طولانی

حاکم استیناف مدعی عمومیه سی نظیر قلنامه تحریراته
عمومیه صورته در :

تبعه اجنبیه دن بر شخصک دیگر بر شخص اجنبیه
قونسولانو اعلامیه محکوم به الهجفک مدیونک
متصرف اولدینی املاک فروختی صورتیه تحصیلی
ایچون اواعلامی علی الاصول دائره اجرایه وضع
وتودیع ایدوبده معامله اجرائیه به تشبث اولنسی
اوزرینه مدیون اجنبی طرفندن املاک فروختی
مسئله سنه متعلق اولقی اوزره بعض کونه مدافعات
واعتراضات در میان ایدلمسندن طولانی حادث اولان
دعوانک محاکم عثمانیه جه اثنای رؤیتنده دین اولان
اجنبیک صاحب ملک صقیله حرکت ایتماکده
اولسنه کوره انک منسوب اوله بی قونسولانو
ترجماننک حضوری لازم کله جکی بعض اجانب
طرفندن طلب وادعا ایله محکمه تمیزجه بویه بر
دعوا دن طولانی محکمه بدایتدن ویریلان حجز املاک
قرارینک ترجمان بولند برلمقسزین تدقیق ونقض ایدلمش
اولسنه اعتراض وقوعبولمقده اولمسندن ناشی باب عالی
ایله جریان ایدن مخابره اوزرینه شورای دولت
تنظیمات دائره سندن تنظیم اولنان مضبوطیه عطفواورد
اولان تذکره سامیه ده استملاک املاک نظامنامه سنک
اجنبیلر حقنده بخش ایلدیکی مساعادت صرف
ذاتلرینه واموال منقوله لرینه عائد اولوب بر خانه نک
وقف اولمسندن واسباب سائره قانونیه دن طولانی
تأدیه دین ایدوب ایتماسی ایسه طرفینک ذاته تعلق
ایتموب منحصرأ نفس املاکه متعلق بر دعوی اولسنه
واجنبیلرک املاک استملاک کنه دائر اولان نظامنامه نک
ایکنجی ماده سنک فقره ثلثه سنده املاکه متعلق کافه
خصوصاتده واکادائر بر دعوی وقوعنده کرک
کندیلری مدعی ومدعی علیه اولسون کرک ایکی
طرفندن دخی تبعه اجنبیه دن بولسون دولت علیه
محکمه لرینه مراجعت ایده جکلری تصریح ایدلمکله
برابر مذکور نظامنامه نک اوجنجی ماده سنده بر اجنبی
متصرف املاک اولان بر اجنبی علیه سنده املاکدن
ماعدای بر ماده دن طولانی دعواسی اولوبده قنچلاریه سی

حکم اولنان مجازاتک صوک درجه ده اعطا قلنان
اعلامانک تاریخنندن و محاکم ابتدائیه طرفندن حکم اولنمش
ایسه اعلامک مدت استینافیه سی کذار استدیکی
تاریخنندن اعتباراً بش سنه صکره ساقط اوله جنی
محور اولسنه نظراً حکمه مربوط اولان مجازاتک
مرور زمانه سقوطی بو حکمک یا صوک درجه ده
اوله رق محاکم استینافیه دن ویرلمش و یا خود علیه نه
استیناف دعواسی وقوعبولوبده مدت استینافیه سنک
کذار ایش اولمسلیله مشروط اولوب بوخصو-
صده ایسه محکوم مرقوم احمدک علیه نه اشعار
اخیردن مستبان اولدینی اوزره ویریلان حکم
ابتدائیدن طولانی مدت معینه سی ظرفنده استیناف
عریفحالی اعطاسیله حکم واقعک کسب قطعیت ایتسنه
مانع اولمسندن ناشی بوباده ذکر اولنان ماده قانونیه
مندرجاتی مابه التطبيق اوله میه جنی و بناء علیه حکم
مزبورک اکتساب قطعیت ایتماسی اعتباریه درت
یوز سکسان ایکنجی ماده منظوقنجه بلا معامله اوج
سنه بی متجاوز مدت مرور ایتمسندن طولانی مرقوم
حقنده کی مجازات قانونیه نک سقوطی طبیعی بولدینی
جهتله اعلام ابتدائیک تنفیذی جهتله کیدیه مامک
ایجاب ایدوب انجق بوخصوصده مرور زمان وقوعندن
صکره مخالف قانون اوله رق اعلام مذکورک تصدیقی
متضمن محکمه استیناف جنجه قسمندن لاحق اولمش
بر حکم موجود اولسنه کوره اشبو حکمک نفی
ایچون اصول مذکورک اوجیوز قرق یدنجی ماده سی
موجبجه عدلیه نظارت جلیله سندن امر تحریری اعطاسیله
برابر سالف الذکر اعلام ابتدائیک اوج سنه بی
متجاوز تنظیم واعطا اولنیوبده ایشده مرور زمان
وقوعنه سببیت ویرنلر حقنده دخی تکرر وقوعنی
منع وامثالی تریب ایچون معامله انتباهیه ایفاسی
مقتضی اولدیفندن اولوجهله ایجابنک اجراسی ضمنتده
اوراق متعلقه نک اول امرده امور جزایه مدیریت
بهیه سنه تودیعی تذکر قلمشدر.

عدلیه نظامت مهبله سنده بالصوم عدلیه مفتشدر

حکمیله دعوائی قزاندینی حالده دخی بوحکم محکوم اولان اجینیک ایضای دینه صالح اولان املاکک صائلینی استیازام ایلدکه کذلک حکومت و محاکم دولت علیه مراجعت اوله رق صائلی داین طرفندن ادعا و طلب اولان املاکک دینه بدل صائلی مجاز اولان صفندن اولوب اولدینی اول امرده محاکم و حکومت عثانیه طرفندن بعد التحقیق اجرا اوله جقدر دنیلمه سینه بناء بویک دعایینی محاکم عثانیه نک طوغریدن طوغریه رؤیت الیسی و ترجمان بولدر براماسی خصوصده کی صلاحیتی درکار بولدینی جهته نظارتک اشعاری موافق مصلحت کورلمش و خارجیه نظارت جلیله سنه ده تبلیغ ماده قلنمش اولدینی بیان و ازبار بیورلمش اوله احوال نمائده اکا کوره ایضای مسامله ایله منسایر قانون وقاعده حرکتی محل قلامق اوزره لازم کلنره تبلیغ کیفیت اولنسی ضمنده اشو تخریرانک نسخ مطبوعه کافیسی لفا ارسال قلندی .

محاکمات قضاة

صالحو قضای اهایسندن ایچ علیک زوجیسی جنت نام خاتونی جرح ایلدکری ادعا اولنسنندن دولانی جنایتله اتهام اولسان ابراهیم ایله رفیق ولینک اوچر سنه مدترله کورک قوتلرینه دائر صادرخان سنجانجی بدایت محکمیسی جزا دائره سندن ویریلان ۳۷۸ نومرولی اعلام محکمه تمیز جزا دائره سنجه تصدیق قلنمشدر .

۴۲۸ نومرولی نسخه ده مندرج در سعادت جنایت محکمیسی اعلامنک مابعدی :

محل مذکورده حام زقاغده اون طقوز نومرولی ابارنمانده ساکن قیوچی بکری درت یاشنده یانیلی اسپرو ولد خرستو مضبوط افاده سی وجهله وقه اخشای ابارنمانک قیوسی اوکنده اوطور مقده ایکن قارشولرنده کی خانه ده اقامت ایتمکده بولان میخاکک زوجیسی ونه نیسانک پنجره دن ینه مذکور خانه ده مقیمه حضور محکمه ده کی متهم انطونیونک کریمه سنه سسله رک والده کک اوی یانور دیسیله مزبورده ک فریاده باشلا دینی و متهم مرقومک خانه سنه باقدینده یانقده اولدینی کوردیکنی اخبار ولدی الاستیضاح متهملرک حریق وقوعدن برکیجه مقدم خانه لرنده بولندینی و حریقدن بر آی مقدم دخی متهملرک خانه لرندن بکری اوتوز قدر جیچک ساقسینی قارشولرنده بولان دیستوقلینک خانه سنه کتوردکری

بک اوغلنده اغا حمانده اوپوو خاننده اقامتله اوطه باشی ایدوکنی سولیان اوتوزایکی یاشنده ایتالیالی چانچو نه بالدی ولد اوجه نیون حضور محکمه به چیقاریله رق استماع ایدیله جکی صرده متهملردن انطونیو ترجان مرقیتله کلامه مساقله شاهد مرقوم ایله قونسول اتوده یئلرنده بر دعوی بولندیندن شاهد اوله رق استماع اولنه میه جفی بیان و شاهد مرقومدن لدی السئوال حریقدن اوچ درت ای مرورنده استیطاقاً افاده اندقدن صکره کویا کندوسنک برطانیجه انداخت اغتش اولسندن علینده دعوی اقامه اغتش ایسلرده کندوسنک برکونه خصوصتی اولدینی و معاون مومی الیه اشو دعوی بعد الحریق اقامه ایدیلدیکندن مانع شهادت اولدینی مرقوم انطونیو دخی شاهد مرقومک استیطاقدن صکره دعوی مذکورده کی اقامه ایدیلدیکنی درمیان ایتالیایه لدی التامل شهادت واقعه خصوصتدن مقدم اولان بروقمیه معطوف و بلکه مرقوم انطونیونک شهادت مذکورده کی چورتمک املنه مصروف اولدینندن دعوی حادثه نک شاهد مرقومک استماعنه مانع اولدینغه بالاتفاق قرار ویریلرک و شاهد مرقومک علی الاصول امر تحلیفی اجرا قلنره رق استماع اولندقدنه وقه کیجه سی حریق وقوعنی خبر المغله کیتدیکنده متهم انطونیونک خانه سنک یانقده اولدینی کورمه کله تقریب ایتدیکنده شدید بر (اترسولفریک) قوقوسی حسن ایتدیکنی و حریقک اطفا ایدلسنی معقب درون خانه به کیردیکنده اورته قانده باموق و مندر اوتلرینک بره سرلمش اولدینی کوردیکنی و حریقدن بش سنه مقدم کندوسی حریق اولان خانه نک اوست قانده مستأجراً اقامت ایتمکده ایکن برکون انطونیونک اشتغال ایتدیکنی اوطه لرک برندن آتش ظهور ایدوب پنجره پردلرینک یاهرق اطفا ایدلدیکنی اخشام اوستی خانه سنه عودتده ایشتمکله انطونیودن سؤلانده پنجره اوکنده بولان کبریتک آتش الهرق اشتعال ایتدیکنی سوبلدیکنی و بو حریقدن مقدم ینه مرقوم انطونیونک ایقاع حریق ایده جکنی خبر المغله ضابطه به اخبار کیفیت ایتدیکنی مضبوط افاده سی وجهله بیان و اخبار و متهملرک اشیا قاچردقلرندن معلوماتی اولدینی تذکار ایلدی .

ترجان واسطیله اکلا دلقدنه ادرلرنده دعوی وقوع بولق جهتیله مرقومک شهادتی قبول ایتیه جکری سوبلدیلر .

بوغاز کسانده جاده اوزرنده بکری نومرولی خانه ده اقامتله بکی چارشوده قوندره جیلق ایدن بکری یاشنده یونانی بنایوط ولد صافوقلی دخی مضبوط

افاده سی وجهله حریق وقوعنی خبر الوب کیتدیکنده حضور محکمه ده کی متهملردن انطونیونک خانه سنک اورته قات پنجره لرندن دومان چیققدنه اولدینی کورمه کله خانه قیوسی اچقه اوغراشمش ایسلده ۲ جیلمدینندن قیواننده کی پنجره دن ایچرو کیردکری و بوسرده مانول نامنده برشخصک برغاز تنکسی پولیس مأمورینه تسلیم ایتدیکنی کوردیکنی یاد و عند الاستفسار کندوسی صو طاشیمقله مشغول بولندینندن اشیا به دقت ایتدیکنی و خانه به کیردکرنده قیو کلیدی بولنوب ایچرو دن اچدقلری و متهملری محل حریقده کورمیبو اشیا قاچردقلرندن دخی معلوماتی اولدینی ایراد ایلدی .

متهملر ترجانلری مرقیتله بوشهاده دیه جکری اولدینی سوبلدیلر .

حقوق عمومییه شپودندن اسماعیلک سلالیکه کیتدیکنی جلب مذکره سی زیرنده کی شرحدن و اوستریالی موسیو قارل ایله ایتلیویه جلینامه تبلیغ ایدیله میه جکی قچلاریه سنه ارسال ایدیلان مذکره به وارد اولان ذیل جوابیدن اکلا شلمش و مرقومودن اسماعیلک سلالیکه نه طرفنده بولندینی بیله ماش و دیگر لرینک یعنی اوستریالی اولانلرک جلیلریده غیر قابل بولنش اولدینندن وقتک عدم مساعده سنه منی معاون مومی الیه ک مطالعه سی وجهله مرقومونک محاکمه اینه ده مضبوط افاده لرینک قرائتی ضمنده محاکمه نک شهر ایلولک اوچنچی جمعی ایتسی کونه تعلیقنه متفقاً قرار ویریلرک تفهیم و جانب ریاستدن دخی اظهارحقه مدار اولق ایچون شاهد شکری افندینک اسمارنی خبر وریکی سعد الدین و حسین افندیلرک جلیلری تنسیب قلنره رق یوم مذکورده متهملر علی الاصول توفیقخانه دن کتوردیلرک و وکیل و معاون و ترجمان مومی الیه هم حاضر اولدقلری حالده محاکمه صالونه چقیبله رق و محکمه تمیز اعضاسندن رفعت بک افندی حضرتلرینک بویای کوبنده کائن خانه سنده مقیم اوتوز سکر یاشنده آستانلی یورکی ولد استاوری مع القسم متهملره لسان ترجمانی تعیین قلنره رق اجرای محاکمه علیه به دوام اولندی .

اظهارحقه مدار اولق ایچون جلب اولسان بوستان باشی موقتده مستخدم پولیس قومیسری قرق یاشنده کاخلی سعد الدین افندی ابن حسین وهی وترصد مأموری اوتوز ریاشنده ازمیری حسین افندی ابن حسنی حضور محکمه به جیقاربولب متهملره برکونه مناسبت و عداوت و خصوصتیلری اولدینی اکلا شلدقن و اخطارات لازمه ایفا قلندقدن صکره علی الافراد استماع اولندقلرنده بولنردن سعد الدین افندی حریق وقوعنی خبر المریله کیتدیکنده حضور

محکمه ده کی متهم انطونیونک خانه سنک یانقده اولدینی کوردیکنی و شدتلی غاز قوقوسی حس ایتدیکنی و حریق خانه ده برقاچ صندالیه و قاربوله کی جزنی اشیا بولندینی و متهملری اوراده کورمیدیکنی و بشقه شیدن معلوماتی اولدینی اخبار ایلدی .

متهملردن انطونیو غازی کیمک و دوکدیکنی بیلمدیکنی والی دیه جکی اولدینی ترجان واسطیله سوبلدیلر .

(مابعدی کله جک نسخه به)

محله ادره سنده سلاح آندینی اکلا شیله میان انطوانک برائنه

ابراهیم ایله حسنک یکدیکری ضرب ایتدیکری ثابت اوله مدینندن برائتلیه

شاکر و اسلام و محمدک یکدیکری ضرب ایتدیکری ثابت اوله مدینندن برائتلیه

اسکدار اسکله سنده ساکن حسینک علی بی ضرب ایتدیکنی اصولاً ثابت اوله مدینندن برائنه

مصطفی افندینک یانی بی ضرب ایتدیکنی ثابت اوله مدینندن برائنه

اسماعیل افندی ایله محمد افندینک علی بی ضرب ایتدیکری ثابت اوله مدینندن برائتلیه

علینک ادواری ضرب ایلدیکنی اکلا شیله مدینندن برائنه

شوکت و جیل افندیلرک لئونک جاملری قیر - دقلری ثابت اوله مدینندن برائتلیه

زردبان قریه سنده ساکن علی عثمانک خلاف تنبیه سلاح طاشیدینی ثابت اولدینندن بش بشلک جزای نقدی اخذینه

ایرانی حسین افانک عدویه خانه ایلله صارقدیلق ایلدیکنی ثابت اولدینندن برماه حبسنه

انیکتوسک و خانسه اطاله لسان ایتدیکنی ثابت اولدینندن مرقومدن بر مجیدی التونی جزای نقدی اخذینه

رضا بکک البسه سی دولاندیردینی اقراریه ثابت اولان موشلی نیازبنک اوچ آی حبسنه و برلیراجزای نقدی آلمنسه

فوطی نک خریلوسی ضرب ایلدیکنی ثابت اولدینندن برهفته حبسنه

بکی چشمه ده ساکن آدم افانک عاکف افندی بی جرح ایتدیکنی ثابت اولدینندن برماه حبسنه

شاکری ضرب ایدن طناشک برهفته حبسنه

یکدیکری ضرب ایدن ایرانی حسین و باولینک بر هفته مدترله حبسلرینه

علی بن مصطفایک قونیلی عبداللهی ضرب و جرح ایلدیکنی ثابت اولدینندن بر آلتون التهرق مدعی به اعطاسنه

احمد بن علینک پولیس نظمی افندی به حقارت ایلدیکنی ثابت اولدینندن ایکی لیرا جزای نقدی آلمنسه

سپورکچی حسنک احمدی ضرب ایتدیکنی ثابت اولدینندن برهفته حبسنه

علی بن بلالک محمد بن سالی ضرب ایتدیکنی ثابت اولدینندن اون بش کون حبسنه

مصطفایک امینه شریفه خانه اطاله لسان ایلدیکنی ثابت اولدینندن یارم لیرا جزای نقدی آلمنسه

محمد بن محمدک آراهی مصطفایک اشیا سی سرق ایلدیکنی ثابت اولدینندن اوچ آی حبسنه و ختام مدینه ضابطه جه کفالتله ربطه

ماردیک ولد اوخانک قومیسوئنجی کورمه نک اچقسنی سرق ایلدیکنی ثابت اولدینندن آلی آی حبسنه

زوجیسی شفیقه بی ضرب ایدن یعقوبدن برلیرا التهرق مضروبه به اعطاسنه

اجرای وظیفه حالنده التنجی دائره بلدی چاوشلارندن حسین افانک بقوسی ضرب ایلدیکنی ثابت اولدینندن اون کون حبسنه

محمدی ضرب و جرح ایلدیکنی اقراریه ثابت اولان ثریا بکدن برلیرا التهرق مضروبه اعطاسنه

محمد افندینک خیری افندی بی ضرب و جرح ایلدیکنی ثابت اولدینندن برهفته حبسنه

خیری بی ضرب ایدن طونخانه ده قریه باشده ساکن قهوه سی ضیاک بر آی حبسنه

افندینک اچقسنی سرق ایلدیکنی اصولاً ثابت اولان قوچونک اتی آی حبسنه

دکانده بولسان اوچانی تطهیر ایتدیرمیه رک اشتعالنه سبیت و یرن سودجی و واسیلدن بر مجیدیه جزای نقدی آلمنسه

واسیلک نیقولی ولد واسیله اطاله لسان ایلدیکنی ثابت اولدینندن ایکی کون حبسنه

جمالک احمدی ضرب ایتدیکنی ثابت اولدینندن برهفته حبسنه

طناشك اچيه واشياسنى سرفت ايلديكى ثابت اولان شرف الدينك حكومت سابقه سنى يدى آى حبسه وسرفت ايلديكى لى بش غروشك دخى تحصيلنه درسعات ، بك اوغلى واسكدار بدايت محكمه لرى جزا دائره لرجه قرار وىرلمشدر .

اعلانات

تجارت بحريه محكمه سنده :

درسعاتنده قلفات يرند اون سكر نومرولى كراسته ده پوسنده مقيم تجاردين شريف على زاده وشركاسنك يونان دولتى تبعه سندن يونان بانديره - سنى حامل « ديو آدلى » نام سفينه نك متصرف وسواريلرى اولوب اليوم اقامتگاهلرى مجهول بولندينى خبرويرلان يوانس لفوس وبوركى لفوس قبودانلر عليهرينه مقدما تجارت بحريه محكمه سندن اقامه ايلديكى تول پشيتانى وضرر وزيان وتصديق حجز دعواسندن طولاني لاجل المحاكمه اعلانات اجراسيله وقوعبولان تبليغات رسميه اوزرينه يوم معينده محكمه ده بالذات حاضر بولندى قلى كى وكيل دخى كوندردمكلىرینه ومدعينك اولباده كى استدعاسنه بناء اجرا قلنان محاكمه غيايه تيجيه سنده مدعابه اولان بيك فرانك معادلى بولنان قرق درت عدد ليراي عثمانينك اوتوز ايكي ليرا طقسان ايكي غروش كذشته وطقوز يوز سكران بش غروش اون ياره مصارف محاكمه سيله معاً تحصيلنه وحجز موضوعك تصديقنه دائر محكمه تجارت بحريه دن لاحق اولان ۲۱ نيسان سنه ۳۲۱ تاريخلى و ۴۴ نومرولى اعلام غيايينك صورت مصدق سى محكوم عليهانك برمنوال محرراقامتگاهلرى مجهول بولنق حصيله اصول محاكمه تجارت نظامنامه - سنك بكرمى مده سى حكمنه توفيقاً كندولرينه تبليغ ايدلش عد اولنق اوزره محكمه ديوانخانه سنى تعليق اولندينى كى اوراق حوادث واسطه سيله دخى اعلانه ابتدار قلندى .

ايكنجى تجارت محكمه سنده :

بك اوغلنده جاده كيرده مقيم مانيفاطوره جى نيقولاكى صالاباندانك ۲۲ تشرين ثانى سنه ۳۲۱ تاريخندن اعتباراً اعلان افلاسه ومصالح افلاسه نك رؤيت وتسويه سى ضمنتده اعضاى محكمه دن عزتولو صادق بكك ژورقوميسر ودعوى وكيللرندن سموئل انسطاشيادى وبواناكي پتريدى افنديلرك موقت سندنك تعيينلرينه ومغازه سيله اشياى زائده بيتيه سنك تمهيرينه واوراق ودفاترينك جلبنه وكفالت مصدقه ارايه

ايدمديكى تقديرده توقيفنه وبوباده كى قرارك موقه اجراسنه ايكنجى تجارت محكمه سندن قرار وىرلمش اولديغندن قانوننامه تجارتك ۱۷۰ نجى ماده سى موجبجه دائى سندنكلكر انتخاب اولنق اوزره ۳۲۱ سنه سى كانون اولنك اون اوچنجى صالى كونى ساعت يدى واده لرند اصحاب مطلوبك محكمه مذكوره نك مصالح افلاسه رؤيته مخصوص اولان اوطه سنى كللى اعلان اولنور .

اعلامات شرعيه اجرا دائره سنده :

مرحوم وحيد افنديك نقود موقوفه سى متوايسى فتوى امينى سماحتلو حاجى محمدنورى افندى حضرتلر - ينك سعادتلو احمد رشيد بك افندى ذمتلرند اله جقلى اولان مبالغ معلومه نك تأمين استيفاسى ضمنتده مديون مومى اليك عهده سنده اولوب اشبو دينى مقابلنده مرهون وقسمت عسكريه محكمه سندن اعطا قلنمش اولان برقطه مقتضاء اعلامى موجبجه فروختى محكوم بولنان جارشوى كيرده قابالجيلر باشى جاده سنده واقع يوز الى اوچ نومرو ايله مرقم بر باب تحفجى دكانى ايله دروننده مستقر بين الاصناف كدك تعبير اولنور وقف آلات لازمه معلومه نك ثلث حصه شايه سى اشبو تاريخ اعلاندن اعتباراً اون بش كون صكره بالزايده فروخته ثبث اولنه جفندن طالب اولانلرك پى سورمك ودها زياده معلومات المقي استيانلرك مدت مذكوره ختامندن صكره درسعات اعلامات شرعيه اجرا دائره سنده مراجعت ايللرى اعلان اولنور .

سعادتلو حاجى رؤف وبرادري عزتولو تريبكلكر بدرلرى متوفى شيخ طلعت افندى به اولان كفالتلرندن طولاني متوفى اركونى حاجى محمد توفيق افندى ورنه سنى قسمت عسكريه محكمه سندن اعطا قلنمش اولان برقطه اعلام شرعى موجبجه محكوم به دينلرى بولنان مبالغ معلومه نك تأمين استيفاسى ضمنتده كفيلان مومى اليهانك بدرلرى متوفى مومى اليه دن انتقالاً عهده لرند اولوب محجوز و اعلام نظامى ايله فروختى محكوم بولنان اناطولى حصارنده كوكسو موقعنده واقع اوتوز سكر نومرو ايله مرقم منهدم برقطه بزرخانه عرصه سى وطقوز واون بر واون اوچ واون بش واون يدى واون طقوز ويكرمى بر نومرولر ايله مرقم يدى باب بيكار اوطه لرى ويكرمى اوچ نومرو ايله مرقم توتونجى دكانى ويكرمى بش نومرو ايله مرقم نعلبند دكانى وقرق التى نومرو ايله مرقم مقدما ترلا واليوم برقطه باغچه ويكرمى ويكرمى ايكي ويكرمى درت ويكرمى التى ويكرمى سكر واوتوز

واوتوز ايكي واوتوز درت واوتوز التى نومرولر ايله مرقم كوبره اسكله لرند كى حصه شايه لريله كفيلان مومى اليهانك كذا بدرلرى متوفى مومى اليه دن انتقالاً عهده لرند اولوب مومى اليهانك طلب وموافقتلريله فروختى قرارلشدرلمش اولان محل مذكوره حصار جاده سنده واقع اون سكر نومرو ايله مرقم برقطه عرصه وقرق بش نومرو ايله مرقم صندوقلى بوستانى ديمكله معروف برقطه بوستان وقواجق موقعنده واقع قرق التى نومرو ايله مرقم برقطه ترلا وقرق اوچ نومرو ايله مرقم چيلك وبوز ترلا سى وقرق بر نومرو ايله مرقم ديكر برقطه چيلك ترلا سنده كى حصه شايه لرى بوندن اول لى المزايده ليراي عثمانى يوز غروش حسابيله املاك مذكوره حصه لرندن بزرخانه عرصه سى حصه سى بشيوز اون وييكار اوطه لرى حصه سى ايكي بيك الى وتوتونجى دكانى حصه سى بيك يوز ونعلبند دكانى حصه سى كذا بيك يوز وباغچه حصه سى كذا بيك يوز وكوبره اسكله لرى حصه سى ايكي بيك الى وعرصه حصه سى بيك يوز وبوستان حصه سى بش بيك يوز وقرق التى نومرولى ترلا حصه سى بشيوز الى وچيلك وبوز ترلا لرى حصه سى اوچ بيك الى وديكر چيلك ترلا سى حصه سى بشيوز اون غروش بدل ايله طالبى عهده سنده تقرر ايتمش اولديغندن يوزده بش ضميمه بوندن زياده به طالب اولنلرك واطرافليجه معلومات المقي استيانلرك اشبو تاريخ اعلاندن اعتباراً اوتوز بركون ظرفنده درسعات اعلامات شرعيه اجرا دائره سنده مراجعت ايللرى صوك دفعه اوله رق اعلان اولنور .

محكمه تجارت اجرا دائره سنده :

استاويرينك ايران دولتى تبعه سندن محمد اظا ذمتنده مصارف محاكمه دن اولان با اعلام محكوم به اله جفكك تسويه سيجون باغچه قبوسنده شيخ محمد كيلانى محله سنده ذخيره جيلر جاده سنده شايجى خانى التنده بكرمى ايكي نومرو ايله مرقم اولوب شهرى درت ليرا ايجار كتورر آشجى وقهوه جى دكاننده يوز بكرمى سهم اعتباريله مديون مرقوم محمد اظانك متصرف اولدينى ايكي بحق سهم حصه سى تاريخ اعلاندن اعتباراً اون بش كون صكره موقع مزايده به قونيله جفندن اشتراسه طالب اولانلرك ودها زياده معلومات المقي استيانلرك محكمه تجارت اجرا دائره سنده مراجعت ايللرى اعلان اولنور .